



ЎЗБЕКИСТОН РЕСПУБЛИКАСИ ЭКОЛОГИЯ ВА АТРОФ-МУХИТНИ МУХОФАЗА ҚИЛИШ ДАВЛАТ ҚўМИТАСИ РАЙСИННИГ БҮЙРУГИ

2018 йил “15” иули

№ 162

Тошкент ш.

Жисмоний ва юридик шахсларнинг мурожаатлари билан ишлашни ташкил этиш тўғрисида

Ўзбекистон Республикасининг 2017 йил 11 сентябрдаги ЎРҚ-445-сонли “Жисмоний ва юридик шахсларнинг мурожаатлари тўғрисида”ги янги таҳирдаги қонуни ҳамда Ўзбекистон Республикаси Вазирлар Маҳкамасининг 2018 йил 7 майдаги 341-сонли “Давлат органларида, давлат муассасаларида ва давлат иштирокидаги ташкилотларда жисмоний ва юридик шахсларнинг мурожаатлари билан ишлаш тартиби тўғрисидаги Намунавий низомни тасдиқлаш ҳақида”ги қарори ижросини таъминлаш, Ўзбекистон Республикаси Экология ва атроф-мухитни муҳофаза қилиш давлат қўмитаси (кейинги ўринларда - қўмита) марказий аппаратида жисмоний ва юридик шахсларнинг мурожаатлари билан ишлашни ташкил этиш мақсадида буюраман:

1. Қуйидагилар:

“Қўмита марказий аппаратида жисмоний ва юридик шахсларнинг мурожаатлари билан ишлаш тартиби тўғрисидаги низом” (кейинги ўринларда - низом) 1-иловага;

қўмитада жисмоний ва юридик шахсларнинг мурожаатлари билан ишлаш гурухи (кейинги ўринларда - гурух) таркиби 2-иловага мувофиқ тасдиқлансан.

2. Гурух (И.Аллаберганов):

қўмита марказий аппарати ва қўмита тизимида жисмоний ва юридик шахсларнинг мурожаатлари билан ишлашга риоя қилинишини ҳамда Низом талаблари бажарилишини қатъий назоратга олсин;

қўмита марказий аппарати ва тизимда жисмоний ва юридик шахсларнинг мурожаатлари билан ишлаш ҳолатини ҳар чорак якунлари бўйича йиғилишларда муҳокама қилсин;

мурожаатлар билан ишлашда мунтазам равишда камчиликларга йўл қўйяётган масъулларга нисбатан интизомий жазо чораларини қўллаш юзасидан раҳбариятга таклиф киритиб борсин.

3. Қорақалпоғистон Республикаси Экология ва атроф-муҳитни муҳофаза қилиш қўмитаси, Тошкент шаҳар ва вилоятлар экология ва атроф-муҳитни муҳофаза қилиш бошқармалари ҳамда қўмита тасарруфидаги республика ташкилотлари раҳбарлари:

икки кунлик муддатда ушбу буйруқ асосида муассасанинг буйруғи ва низомини ишлаб чиқсинлар ва тасдиқласинлар;

норматив-хуқуқий хужжатларни ушбу низомга мувофиқлаштирсинлар.

4. Қўмита марказий аппарати инспекция, бош бошқарма, бошқарма ва бўлим, шўъба раҳбарлари, Қорақалпоғистон Республикаси Экология ва атроф-муҳитни муҳофаза қилиш қўмитаси раиси, Тошкент шаҳар ва вилоятлар экология ва атроф-муҳитни муҳофаза қилиш бошқармалари ҳамда қўмита тасарруфидаги республика ташкилотлари раҳбарлари жисмоний ва юридик шахсларнинг мурожаатлари билан ишлашда мазкур Низом талабларига қатъий риоя қилсинлар.

5. Ушбу буйруқ қабул қилиниши муносабати билан қўмита раисининг 2017 йил 24 июлдаги 101-сонли ва 2017 йил 29 августдаги 177-сонли буйруқлари ўз кучини йўқотган деб ҳисоблансин.

6. Жамоатчилик ва оммавий ахборот воситалари билан ишлаш бўлими (А.Шеров) мазкур буйруқ қабул қилиниши муносабати билан қўмитанинг расмий веб-сайтидаги тегишли маълумотларни янгиласин.

7. Мазкур буйруқ ижросининг назорати раис биринчи ўринбосари А.Адҳамжанов ҳамда раис ўринбосари У.Утаев зиммаларига юклатилсин.

Раис

Б.Кучкаров

Ўзбекистон Республикаси Экология
ва атроф-мухитни муҳофаза қилиш
давлат қўмитаси раисининг
2018 йил 15 майдаги
162 - сонли буйруғига
ИЛОВА

**Ўзбекистон Республикаси Экология ва атроф-мухитни муҳофаза
қилиш давлат қўмитаси марказий аппаратида жисмоний ва юридик шахсларнинг
мурожаатлари билан ишлаш тартиби тўғрисида
НИЗОМ**

1-боб. Умумий қоидалар

1. Ушбу Низом (кейинги ўринларда - Низом) “Жисмоний ва юридик шахсларнинг мурожаатлари тўғрисида”ги Ўзбекистон Республикасининг Қонуни (кейинги ўринларда - Қонун) ва Ўзбекистон Республикаси Вазирлар Маҳкамасининг 2018 йил 7 майдаги 341-сонли “Давлат органларида, давлат муассасаларида ва давлат иштирокидаги ташкилотларда жисмоний ва юридик шахсларнинг мурожаатлари билан ишлаш тартиби тўғрисидаги Намунавий низомни тасдиқлаш ҳақида”ги (кейинги ўринларда - Намунавий низом) қарорга мувофиқ Ўзбекистон Республикаси Экология ва атроф-мухитни муҳофаза қилиш давлат қўмитаси (кейинги ўринларда - қўмита) марказий аппаратида жисмоний ва юридик шахсларнинг мурожаатлари (кейинги ўринларда - мурожаатлар) билан ишлаш тартибини белгилайди.

2. Ушбу Низомнинг амал қилиши:

қўриб чиқиши тартиби маъмурий-жавобгарлик тўғрисидаги, фуқаролик процессуал, жиноят-процессуал, жиноят-ижроия, хўжалик процессуал қонун хужжатлари ва бошқа қонунлар билан белгиланган мурожаатларга;

қўмита марказий аппарати таркибий бўлинмаларининг ўзаро ёзишмаларига нисбатан татбиқ этилмайди.

3. Ушбу Низомда қўйидаги асосий тушунчалар қўлланилади:

ариза - хукуқларни, эркинликларни ва қонуний манфаатларни амалга оширишда ёрдам кўрсатиш тўғрисида илтимос баён этилган мурожаат;

таклиф - давлат ва жамият фаолиятини такомиллаштиришга доир тавсияларни ўз ичига олган мурожаат;

шикоят - бузилган хукуқларни, эркинликларни тиклаш ва қонуний манфаатларни ҳимоя қилиш тўғрисидаги талаб баён этилган мурожаат;

аноним мурожаат - жисмоний шахснинг фамилияси (исми, отасининг исми), унинг яшаш жойи тўғрисидаги маълумотлар ёки юридик шахснинг тўлиқ номи, унинг жойлашган ери (почта манзили) тўғрисидаги маълумотлар кўрсатилмаган ёхуд улар ҳақида ёлғон маълумотлар кўрсатилган мурожаат, шунингдек уни идентификация қилиш имкониятини бермайдиган электрон мурожаат ёхуд имзо билан тасдиқланмаган ёзма мурожаат;

мурожаатнинг дубликати - айнан бир жисмоний ёки юридик шахснинг бир хил мазмундаги мурожаатининг нусхаси;

такрорий мурожаат - аввалги мурожаатлар бўйича қабул қилинган қарор юзасидан шикоят қилинган ёки бошқача тарзда норозилик билдирилган, шунингдек, агар такрорий мурожаат келиб тушган пайтда кўриб чиқишининг қонун хужжатларида белгиланган

муддати тугаган бўлса, аввалги мурожаат ўз вактида кўриб чиқилмаганлиги ҳакида хабар қилинган, айнан бир жисмоний ёки юридик шахсдан келиб тушган мурожаат;

электрон мурожаат - белгиланган тартибда ахборот-коммуникация технологиялари воситасида берилган, шу жумладан давлат органининг ташкилотнинг расмий веб-сайтига жойлаштирилган мурожаат, реал вакт режимида ахборот-коммуникация технологияларидан фойдаланган ҳолда берилган оғзаки мурожаатлар бундан мустасно;

оммавий қабул - давлат органи раҳбарининг ёки бу борада ваколат берилган мансабдор шахсининг жисмоний шахслар ва юридик шахсларнинг вакиллари билан оммавий учрашувларида мурожаатларни қабул қилишга доир ҳаракати;

видеоконференцалоқа - узоқда жойлашган бир нечта абонентларнинг реал вакт режимида аудио ва видеоахборот алмашиш имконияти билан ахборот-коммуникация технологияларидан фойдаланган ҳолда интерактив ҳамкорлик қилиши;

давлат иштирокидаги ташкилот - устав фондида давлат улуши мавжуд бўлган тижорат ташкилоти ёхуд тўлиқ ёки қисман давлат органи томонидан ташкил этилган ёки таъсис этилган нотижорат ташкилоти.

4. Мурожаатлар оғзаки ёки ёзма, ёхуд электрон шаклда ариза, таклиф ва шикоят шаклида берилиши мумкин.

Мурожаатлар, уларнинг шакли ва туридан қатъий назар, бир хил аҳамиятга эга.

Қўмита “ишонч телефони”га келиб тушган мурожаатлар оғзаки мурожаат сифатида мазкур Низомда белгиланган тартибда қайд этилади, рўйхатга олинади ва кўриб чиқилади.

Қўмита расмий веб-сайти орқали ёки расмий электрон почта манзилига келиб тушган мурожаатлар электрон мурожаатлар тарзида қайд этилади ва ушбу Низомда белгиланган тартибда кўриб чиқилади..

Ўзбекистон Республикаси Президентининг Виртуал қабулхонаси, Интернет тармоғидаги Ўзбекистон Республикаси Ҳукумат портали (кейинги ўринларда - Ҳукумат портали) орқали келиб тушган мурожаатлар электрон мурожаатлар тарзида қайд этилади ва Вазирлар Маҳкамасининг 2016 йил 3 июндаги 188-сон қарори билан тасдиқланган Интернет тармоғида Ўзбекистон Республикасининг Ҳукумат портали тўғрисидаги низом талаблари ҳисобга олинган ҳолда ушбу Низомда белгиланган тартибда кўриб чиқилади.

Оммавий ахборот воситалари таҳририятларидан келиб тушган мурожаатлар Конунда ҳамда ушбу Низомда назарда тутилган тартибда ва муддатларда кўриб чиқилади.

Мурожаатлар давлат тилида ва бошқа тилларда берилиши мумкин.

2-боб. Жисмоний ва юридик шахсларнинг мурожаат этиш ҳуқуқлари ва кафолатлари

5. Конунга кўра жисмоний ва юридик шахсларга қўмита ҳамда унинг мансабдор шахсларига якка тартибда ёки жамоа бўлиб мурожаат этиш ҳуқуқи кафолатланади.

Мурожаат этиш ҳуқуқи ихтиёрий амалга оширилади. Ҳеч ким бирон-бир мурожаатни ҳимоя қилишга ёхуд унга қарши қаратилган ҳаракатларда иштирок этишга мажбур қилиниши мумкин эмас.

Мурожаат этиш ҳуқуқининг амалга оширилиши бошқа жисмоний ва юридик шахсларнинг ҳуқуқларини, эркинликларини ҳамда қонуний манфаатларини, шунингдек, жамият ва давлат манфаатларини бузмаслиги керак.

Конунга мувофиқ, хорижий давлатларнинг жисмоний ва юридик шахслари, фукаролиги бўлмаган шахслар Ўзбекистон Республикаси давлат органларига,

ташкилотларига ва уларнинг мансабдор шахсларига ушбу Қонунга мувофиқ мурожаат этиш хуқукига эга.

6. Мурожаат этиш хуқуқидан фойдаланилаётганда жисмоний шахснинг жинси, ирки, миллати, тили, дини, ижтимоий келиб чиқиши, эътиқоди, шахсий ва ижтимоий мавқеига, шунингдек, юридик шахсларнинг мулки шакли, жойлашган ери (почта манзили), ташкилий-хуқуқий шаклларига ва бошқа ҳолатларига қараб камситишга йўл қўйилмайди.

7. Қўмита ва унинг мансабдор шахслари мурожаатларни кўриб чиқишда Ўзбекистон Республикасининг Конституцияси ҳамда қонунлари талабларига риоя этиши, уларнинг тўлиқ, холисона ва ўз вактида кўриб чиқилиши учун чоралар кўриши, жисмоний ва юридик шахсларнинг бузилган хуқуклари, эркинликлари тикланишини ҳамда қонуний манфаатлари химоя қилинишини таъминлаш бўйича ўз ваколатлари доирасида чоралар кўриши шарт.

8. Мурожаатлар қўмита ва унинг мансабдор шахслари томонидан қабул қилиниши ва кўриб чиқилиши шарт, ушбу Низомнинг 6-бобида назарда тутилган ҳоллар бундан мустасно.

9. Мурожаатларни кўриб чиқишда жисмоний шахсларнинг шахсий ҳаёти, юридик шахсларнинг фаолияти тўғрисидаги маълумотлар уларнинг розилигисиз, шунингдек давлат, қўмитанинг сирини ёхуд қонун билан қўриқланадиган бошқа сирни ташкил этувчи маълумотларнинг ва агар бу жисмоний ёки юридик шахсларнинг хуқуклари, эркинликлари ҳамда қонуннинг манфаатларини камситадиган бўлса, бошқа ахборотнинг қўмита ходимлари ва улар мансабдор шахслари томонидан ошкор этилишига йўл қўйилмайди.

Жисмоний ва юридик шахс тўғрисидаги, мурожаатга тааллуқли бўлмаган маълумотларни аниқлашга йўл қўйилмайди.

Жисмоний шахснинг илтимосига кўра унинг шахсига доир бирон-бир маълумот ошкор этилмаслиги керак.

10. Жисмоний шахсни, унинг вакилини, уларнинг оила аъзоларини, юридик шахсни, унинг вакилини ва юридик шахс вакилининг оила аъзоларини улар ўз хуқуклари, эркинликлари ҳамда қонуний манфаатларини рўёбга чиқариш ёки ҳимоя қилиш мақсадида давлат органларига, ташкилотларга ва уларнинг мансабдор шахсларига мурожаат этганлиги, шунингдек, мурожаатларда ўз фикрини билдирганлиги ва танқид қилганлиги муносабати билан таъкиб этиш ман этилади.

3-боб. Мурожаатларни бериш ва уларни кўриб чиқиши тартиби

11. Мурожаатлар уларда қўйилган масалаларни ҳал этиш ўз ваколати доирасига кирадиган қўмита ёки унинг мансабдор шахсига бевосита ёхуд бўйсунув тартибида юқори турувчи органга берилади.

Жисмоний ва юридик шахслар мурожаатларни мустақил равишида беришга, шунингдек, бу борадаги ваколатни ўз вакилига беришга ёхуд мурожаатни почта алоқаси воситалари ёки электрон шаклда юборишга ҳақли.

Вояга етмаганлар, муомалага лаёқатсиз ва муомала лаёқати чекланган шахсларнинг манфаатларини кўзлаб, мурожаатлар уларнинг қонуний вакиллари томонидан қонун ҳужжатларида назарда тутилган тартибида берилиши мумкин.

12. Жисмоний шахснинг мурожаатида жисмоний шахснинг фамилияси (исми, отасининг исми), унинг яшаш жойи тўғрисидаги маълумотлар кўрсатилган бўлиши керак.

Юридик шахснинг мурожаатида юридик шахснинг тұлиқ номи, унинг жойлашган жойи (почта манзили) тұғрисидаги маълумотлар күрсатилған бўлиши керак.

Жисмоний ва юридик шахснинг мурожаатида давлат органининг, ташкилотнинг аниқ номи, мурожаат юборилаётган мансабдор шахснинг лавозим ва (ёки) фамилияси (исми, отасининг исми) күрсатилған, шунингдек, мурожаатнинг моҳияти баён этилган бўлиши керак.

Мурожаатларда мурожаат этивчиларнинг электрон почта манзили, алоқа телефонлари ва факслари рақамлари күрсатилиши мумкин.

Мурожаат этувчиларнинг вакиллари орқали берилған мурожаатларга уларнинг ваколатларини тасдиқловчи хужжатлар илова қилиниши керак.

13. Мурожаатга у бўйича илгари қабул қилинган мавжуд қарорлар ёки уларнинг нусхалари, шунингдек, уни кўриб чиқиш учун зарур бўлган бошқа хужжатлар илова қилиниши мумкин, мазкур хужжатлар қайтарилемайди, мурожаат этувчи уларни қайтариш ҳақида ёзма ариза берган ҳоллар бундан мустасно.

Кўрсатиб ўтилған хужжатлар мурожаат таалуқлилиги бўйича бошқа давлат органига, ташкилотга ёки уларнинг мансабдор шахсига юборилганда мурожаатга илова қилиниши керак.

14. Мурожаат почта орқали конвертда келиб тушганда, конвертда мурожаат ва унинг иловалари борлиги текширилади.

Конвертда мурожаат мавжуд бўлмаса ёки у шикастланган бўлса, шунингдек мурожаатда кўрсатилған иловалар мавжуд бўлмаса, далолатнома тузилиб, унинг бир нусхаси мурожаат этувчига конвертда кўрсатилған манзил бўйича жўнатилади.

Келиб тушган мурожаатлар конвертлари мурожаат этувчининг манзилини, мурожаатнинг жўнатилған ва олинган вақтини аниқлаш учун сақлаб қолиниши мумкин.

15. Ёзма мурожаат мурожаат этувчи жисмоний шахснинг имзоси ёки мурожаат этувчи юридик шахс ваколатли шахсининг имзоси билан тасдиқланган бўлиши лозим.

Жисмоний шахснинг ёзма мурожаатини мурожаат этувчининг имзоси билан тасдиқлаш имкони бўлмаган тақдирда, бу мурожаат уни ёзиб берган шахснинг имзоси билан тасдиқланиб, унинг фамилияси (исми, отасининг исми) ҳам қўшимча равишда ёзиб қўйилиши керак.

16. Мурожаатларни бериш муддатлари, коидага тариқасида, белгиланмайди.

Айрим ҳолларда, агар бу қўмита ёки улар мансабдор шахсларининг мурожаатни кўриб чиқиш бўйича имкониятларига, жисмоний ва юридик шахсларнинг хукуqlари, эркинликлари ҳамда қонуний манфаатларини ўз вақтида амалга ошириш ва ҳимоя қилишни таъминлаш заруратига боғлиқ бўлса, шунингдек қонун хужжатларида назарда тутилган бошқа асосларга кўра мурожаатни бериш муддати белгиланиши мумкин.

Бўйсунув тартибида юқори органга ариза ёки шикоят жисмоний ёки юридик шахсга унинг хукуqlари, эркинликлари ҳамда қонуний манфаатларини бузувчи ҳаракат (харакатсизлик) содир этилганлиги ёхуд қарор қабул қилинганлиги маълум бўлган пайтдан эътиборан узоги билан бир йилдан кечиктирмай берилади.

Ариза ёки шикоят беришнинг узрли сабабларга кўра, ўтказиб юборилған муддати аризани ёки шикоятни кўриб чиқувчи қўмита томонидан тикланади.

17. Жисмоний ва юридик шахслар ўз мурожаатини у кўриб чиқилгунига қадар ва кўриб чиқилаётган пайтда мурожаат бўйича қарор қабул қилингунга қадар ёзма ёки электрон шаклда ариза бериш йўли билан чакириб олиш хукуқига эга. Бундай ариза

тушган тақдирда мурожаатни кўриб чиқиш тўхтатилади ва уч кун мобайнида мурожаат қўмитанинг хати билан мурожаат килувчига қайтарилади.

Мурожаатни қайтариб олиш тўғрисидаги ариза қўмита томонидан конун бузилишларини аниқлаш ва бартараф этиш бўйича чоралар кўрилишини истисно этмайди.

4-боб. Мурожаатлар билан ишлашни ташкиллаштириш

18. Кўмитада жисмоний ва юридик шахсларнинг мурожаатлари билан ишлаш ушбу Низомнинг 1-иловасига мувофиқ схемага биноан амалга оширилади.

19. Тушган мурожаатларни қабул қилиш, рўйхатга олиш ва кўриб чиқиш учун юбориш, шунингдек мурожаатларнинг ҳисботини юритиш ва кўриб чиқилишини назорат қилиш мақсадида қўмитада белгиланган умумий штатдаги ходимлар сони доирасида мурожаатлар билан ишлаш бўйича алоҳида бўлинма (кейинги ўринларда - мурожаатлар билан ишлаш бўлинмаси) ташкил этилиши мумкин.

Мурожаатлар билан ишлаш бўлинмаси қўмитага келиб тушган мурожаатлар ҳажмидан, ходимлар сони ва иш ҳажмидан келиб чиқсан ҳолда алоҳида бўлим, бўлинма ёки гуруҳ шаклида ташкил этилиши мумкин.

Мурожаатлар билан ишлаш бўлинмаси мурожаатларнинг кўриб чиқилишини назорат қилиш масалаларида бевосита қўмита раисига бўйсунади.

20. Мурожаатлар билан ишлаш бўйича бўлинма:

таркибий бўлинмалар томонидан мурожаатлар кўриб чиқилишини доимий назорат қиласида ва унинг мониторингини олиб боради, уларнинг ўз вақтида ва зарур тарзда кўриб чиқилишини тъъминлаш чора-тадбирларини кўради;

мурожаатларни кўриб чиқиш түмдатлари ва тартиби таркибий бўлинмалар томонидан бузулиши тўғрисида қўмита бошқарма (инспекция, бўлим, шўъба) раҳбарини дарҳол хабардор қиласи;

мониторинг натижалари бўйича ҳар ойда қўмита раҳбариятига мурожаатлар кўриб чиқилишининг ҳолати тўғрисидаги ахборотни, зарурият бўлганда, мавжуд камчиликларни бартараф этиш, мурожаатлар тўғрисидаги конун ҳужжатлари бузилишига йўл қўйган раҳбар ва ходимларга нисбатан жавобгарлик чораларини кўриш юзасидан тегишли таклифлар билан биргаликда тақдим этади.

21. Мурожаатлар билан ишлаш бўйича бўлинманинг ходимларига қўйидаги қўшимча талаблар қўйилади:

ўрта-маҳсус ёки олий маълумотга эга бўлиш;

камидан уч йиллик иш стажи бўлиши;

уларнинг ходими бўлган қўмита бўлинмаларининг фаолияти, функцияларига оид мажбуриятлари тўғрисида хабардор бўлиш;

юксак маънавий-ахлоқий фазилатларга эга бўлиш;

киришимлилик;

замонавий ахборот-коммуникация технологияларини қўллашни билиш.

Бўлинма ходимлари мурожаатлар билан ишлаш бўйича ўз фаолиятини амалга оширишда илтифотли, қатъиятли, эътиборли бўлиши керак, мурожаат қилувчиларга нисбатан хушмуомалали, вазмин ва эътиборли, шахснинг шаънини камситмаслиги, унга нисбатан меҳрибон бўлиши шарт.

Мурожаатлар билан ишлаш бўлинмаси ходимлари ўз хизмат вазифаларини бажариш вактида ташки қўриниши бўйича жисмоний ва юридик шахсларнинг давлат органларига, ташкилотларига нисбатан ҳурмат билан муносабатда бўлишига кўмаклашиши, умумий кабул қилинган иш тартибига риоя этиши вазмин ва интизомли бўлиши керак.

22. Қўмит мурожаатлар билан иш олиб борувчи ўз ходимларини ўқитади ва уч йилда камиди бир марта уларнинг малакасини оширади.

23. Қўмита ушбу Низомнинг талабларига кўра, мурожаатлар билан ишлашда электрон хужжат айланиши тизимини жорий этиши мумкин.

Қўмитада мурожаатлар билан ишлаш:

Ўзбекистон Республикаси Президенти Виртуал қабулхонаси ва Ҳукумат портали орқали тушган мурожаатлар электрон шаклда;

Қорақалпоғистон Республикаси, вилоятлар, Тошкент шаҳри, туман ва шаҳарлардаги (туманга бўй сунувчи шаҳарлардан ташқари) Ўзбекистон Республикаси Президенти Халқ қабулхонаси орқали келиб тушган мурожаатлар ёзма ва ёки электрон шаклда олиб борилади.

24. Аҳоли билан тўғридан-тўғри мулокотни ташкил этиш, мурожаатларнинг қўриб чиқилиши устидан тизимли мониторинг ва назоратни амалга ошириш, шунингдек мурожаатлар билан ишлашда замонавий ахборот-коммуникация технологияларидан фойдаланиш мақсадида қўмита раҳбарияти ўз виртуал қабулхоналарини ташкил этиши мумкин.

25. Жисмоний ва юридик шахснинг мурожаатида қўрсатилган масалани ҳар томонлама ва ўз вактида ҳал қилиш мақсадида, мурожаатда қўрсатилган масалани қўриб чиқиш (ҳал қилиш) бир неча давлат органлари ва ташкилотларнинг ваколатига кирса, мурожаатни қўриб чиқувчи қўмита бошқа давлат органлари ва ташкилотларига жисмоний ва юридик шахснинг мурожаатини коллегиал эшлишишни ўтказиш учун мурожаат қилишга ҳақли.

5-боб. Мурожаатларни қўриб чиқиш тартиби ва муддатлари

26. Ёзма ва электрон (когозга босиб чиқарилган) мурожаатлар мурожаатларни рўйхатга олиш журналига тегишли ёзувларни киритиш, ушбу Низомнинг 2-иловасига мувофиқ шакл бўйича назорат карточкаларини тўлдириш ва мурожаатнинг биринчи сахифаси куйи ўнг қисмида рўйхатга олиш штампини қўйиш йўли билан мурожаатлар билан ишлаш бўйича бўлинмада рўйхатга олиниади.

Мурожаатлар ёзма ёки электрон тарзда рўйхатга олиниши мумкин.

Мурожаатларни рўйхатга олиш журналида мурожаатнинг тартиб раками, мурожаат қилган жисмоний шахснинг фамилияси, (исми ва отасининг исми), унинг яшаш жойи, юридик шахснинг номи, унинг жойлашган жойи, мурожаатнинг қисқача мазмуни, мурожаат қабул қилинган сана, дубликат ёки мурожаатларнинг такрорийлиги, назоратга олинганлиги тўғрисидаги белги, ижро этиб белгиланган қўмита таркибий бўлинмаси номи, сана қўрсатилган ҳолда ижро этиш тўғрисидаги белги кўрсатилади.

Кайд этиш штампида қўмитанинг расмий номи (агар қўмитанинг расмий номи узун бўлса, умум қабул қилинган қисқартирилган ном ёки қисқартма қўрсатилиши мумкин), мурожаат келиб тушган сана ва қайд раками кўрсатилади.

Мурожаатларнинг тартиб ракамлари ҳар йил бошидан янгидан юритилади.

27. Жисмоний шахслар ва юридик шахсларнинг вакиллари қўмитага оғзаки мурожаат этганда улар томонидан тақдим қилинган ёзма мурожаатлар ҳамда бошқа

материаллар қабул қилиниши ва ушбу Низомнинг З-иловасига мувофиқ тўлдирилган хисобга олиш карточкасига илова қилиниши керак.

Рўйхатга олинган мурожаатлар келиб тушган пайтидан бошлаб бир иш кунидан кечикмай қўмита раҳбариятига ёки таркибий бўлинма раҳбарига киритилади, у масъул таркибий бўлинмани (ходимни) белгилаган холда мурожаатни кўриб чиқиш бўйича резолюцияни (топшириқномани) қўяди.

Резолюция (топшириқнома) қўйилган пайтдан бошлаб бир иш куни мобайнида мурожаатлар билан ишлаш бўйича бўлинма мурожаатни ижро этувчи сифатида белгиланган таркибий бўлинмага (ходимга) беради.

28. Қўмитага келиб тушган мурожаатлар иш юритувига қабул қилиниши, бўйсуниш тартибида қўмита, бошқарма ва республика ташкилотининг қуий бўлинмасига (кейинги ўринларда-қуий бўлинма) юборилиши ёки тегишлилиги бўйича бошқа давлат органига, муассаса ва ташкилотларга юборилиши мумкин.

29. Куий бўлинма томонидан кўриб чиқилиши керак бўлган мурожаатлар унга келиб тушган кунидан бошлаб беш кун муддатдан кечиктирмай хат билан раҳбари (ёхуд ўринбосари) томонидан имзоланган топшириқ билан бирга юборилиши, бу ҳақда мурожаат қилувчига ёзма ёхуд электрон шаклда хабар берилиши керак.

30. Агар мурожаатда бир нечта таркибий бўлинмага тегишли масалалар мавжуд бўлса, уларнинг барчаси мурожаатни кўриб чиқиш бўйича ижро этувчилар этиб белгиланади. Ижро этувчилар орасида биринчи бўлиб кўрсатилган таркибий бўлинма бошқа таркибий бўлинмалар билан биргаликда мурожаат кўриб чиқилишини таъминлади.

Мурожаатнинг кўриб чиқилишига раҳбар кўрсатмасида кўрсатилган барча масъуллар бир хил жавобгар ҳисобланади.

31. Мурожаатни тўлиқ, холис ва ўз вақтида кўриб чиқиш учун қўшимча маълумотлар, маълумотномалар ва материалларга зарурият пайдо бўлган тақдирда, мазкур мурожаатни кўриб чикувчи таркибий бўлинма мурожаат этувчидан, шунингдек, ўз ваколати доирасида белгиланган тартибда бошқа давлат органларидан, муассаса ва ташкилотлардан қўшимча ахборотни сўраб олиши мумкин.

Агар ахборот давлат сирини ёки қонун билан кўриқланадиган бошқа сирни ташкил этувчи маълумотларни ўз ичига олган бўлмаса, жисмоний ва юридик шахсларнинг ҳукуқлари, эркинликлари хамда қонуний манфаатларига, жамият ва давлат манфаатларига зарар етказмаса, давлат органлари, ташкилотлар ва мансабдор шахслар ўзларидан сўраклаётган ахборотни ўн кун ичида тақдим этиши шарт.

32. Агар мурожаатни кўриб чиқиш жараёнида мурожаатнинг дубликати келиб тушса, ушбу мурожаат аввал тушган мурожаат билан биргаликда кўриб чиқилади хамда натижаси бўйича ягона жавоб берилади.

Агар мурожаатнинг дубликати мурожаат кўриб чиқилган ва жавоб юборилгандан кейин келиб тушса, у холда қўмита мурожаат қилувчини бу ҳақда ёзма равишда хабардор қиласи.

33. Агар мурожаатда ўртага қўйилган масалалар хўжалик юритувчи субъектлар фаолиятига даҳлдор бўлса, уларнинг вакиллари мурожаатни кўриб чиқишида иштирок этиш учун қўмита томонидан ўз ваколатлари доирасида жалб этилади.

Зарур ҳолларда мурожаатларни кўриб чиқиш учун қўмита томонидан тегишли мутахассислар жалб этилиши мумкин.

34. Кўйилган масалаларни ҳал этиш қўмитанинг ваколати доирасига кирмайдиган мурожаатлар беш кун муддатдан кечиктирмай раис ёки раис ўринбосарлари томонидан имзоланган хат билан тегишли органларга, муассаса ва ташкилотларга юборилади ва бу ҳақда мурожаат қилувчига ёзма ёхуд электрон шаклда хабар қилинади.

Мурожаатни кўриб чиқиши учун асоссиз равишда бошқа давлат органларига, муассаса ва ташкилотларга ўтказиш ёхуд қарорлари ёки ҳаракатлари (ҳаракатсизлиги) устидан шикоят қилинаётган органларга ёки мансабдор шахсларга юбориш тақиқланади.

Агар мурожаатларда уларни тегишли органларга юбориш учун зарур бўлган маълумотлар мавжуд бўлмаса, у ҳолда улар беш кун муддатдан кечиктирмай асослантирилган тушунтириш билан мурожаат қилувчиларга қайтарилади.

35. Қўмита мурожаатни кўриб чиқаётгандан ўз ташаббусига кўра, ёхуд мурожаат этувчининг илтимосига кўра уни эшитишни ташкил этиши мумкин.

Қўмитанинг мансабдор шахслари мурожаат этувчига мурожаатда кўтарилиган масалалар бўйича ўз фикрини билдириш ва мурожаат бўйича қўшимча ахборот тақдим этиш имкониятини беради.

Зарур ҳолларда мурожаат этувчи эшитишга эксперталарни, мутахассисларни ва манфаатдор ташкилотларнинг вакилларини жалб этиши мумкин.

36. Агар мурожаатда жойнинг ўзида ўрганишни талаб этувчи ҳолат баён қилинган бўлса, шунингдек бошқа зарур ҳолларда мурожаатни кўриб чиқишида қўмита мурожаатни жойнинг ўзида кўриб чиқишини таъминлаши мумкин. Мурожаатни жойнинг ўзида кўриб чиқиш қўмита раисининг топшириғи ёки унинг розилиги билан амалга оширилади.

37. Мурожаатни мурожаат килган ёки бошқа шахснинг иштирокисиз кўриб чиқишининг имконияти бўлмаганда, улар қўмитанинг мансабдор шахси томонидан чақирилиши мумкин. Чакирилган мурожаат қилувчи келмаган тақдирда, қўмита мурожаатни унинг иштирокисиз кўриб чиқиш мумкин эмаслиги тўғрисида жавоб юборади.

38. Мурожаатлар билан ишлаш муддатлари улар қўмита келиб тушган кундан бошлаб ҳисобланади. Агар тегишли муддатнинг охирги куни дам олиш ва байрам кунларига тўғри келса, навбатдаги иш куни муддат тугайдиган кун ҳисобланади. Яъни, мурожаатни кўриб чиқиш учун белгиланган муддат бир кунга қисқаради.

Электрон мурожаатлар тушган кунида қоғозга босиб чиқарилиши, иш вақти тамом бўлгандан кейин тушган тақдирда эса - навбатдаги иш кунида қоғозга босиб чиқарилиши керак.

Мурожаатни рўйхатдан ўтказишни рад этишга йўл қўйилмайди.

Қўмита раҳбариятига ёки ваколат берилган мансабдор шахсга оммавий қабуллар вақтида тушган ва жойида ҳал этилган оғзаки мурожаатларни рўйхатдан ўтказиш талаб килинмайди. Бунда, жисмоний шахснинг ёки юридик шахс вакилининг фамилияси (исми, отасининг исми), унинг яшаш жойи тўғрисидаги маълумотлар, мурожаатнинг қисқача мазмuni, шунингдек уни кўриб чиқиш натижаси оммавий қабул баённомасида кўрсатилади.

39. Ариза ёки шикоят масаланинг мазмuni бўйича ҳал этиши шарт бўлган ташкилотга келиб тушган кунидан эътиборан ўн беш кун мобайнида, қўшимча ўрганиш ва (ёки) текшириш, қўшимча хужжатларни сўраб олиш талаб этилганда эса бир ойгача бўлган муддатда кўриб чиқилади.

Ариза ва шикоятларни кўриб чиқиш учун текшириш ўтказиш, қўшимча материалларни сўраб олиш ёхуд бошқа чора-тадбирлар кўриш зарур бўлган ҳолларда,

уларни кўриб чикиш муддатлари қўмита раҳбарияти томонидан, истисно тариқасида, кўпин билан бир ойга узайтирилиши мумкин, бу ҳақда мурожаат этувчига ёзма хабар қилинади.

40. Таклифлар қўмитага келиб тушган кундан эътиборан бир ойгача бўлган муддатда кўриб чикилади, қўшимча ўрганишни талаб этадиган таклифлар бундан мустасно ҳамда бу ҳақда таклифни киритган жисмоний ёки юридик шахсга ўн кун муддатда ёзма шаклда хабар қилинади.

41. Айрим ҳолларда қўмита раҳбарияти мурожаатларни кўриб чикиш муддатларини кисқартиришлари мумкин.

42. Мурожаатларни кўриб чикиш натижаларига кўра қўмита томонидан қарор қабул қилинади, бу ҳақда мурожаат қилувчига дарҳол ёзма ёки электрон шаклда хабар қилинади.

Мурожаатни конктирумасдан қолдириш тўғрисидаги қарорни қўмита раиси қабул қиласди.

Мурожаатга жавоб ҳатида мурожаатда кўрсатилган ҳар бир масала бўйича важларни рад этувчи ёки тасдиқловчи аниқ асослар (заруриятга қараб қонун ҳужжатлари нормаларига ҳаволалар қилинган ҳолда) бўлиши керак.

43. Мурожаатга жавоб ҳати қўмита раиси ёки ўринбосарлари томонидан имзоланади.

Мурожаатларга жавоб ҳати, мумкин қадар, мурожаат этилган тилда ёки давлат тилида баён қилинади.

44. Жисмоний ёки юридик шахслар жамоа бўлиб мурожаат қилган тақдирда, уларнинг мурожаатлари Қонун талаблари ва мазкур Низомга мувофиқ кўриб чикилади. Бунда мурожаатга жавоб мурожаат қилганларнинг рўйхатида биринчи бўлиб кўрсатилган шахсга ёки унинг талабига кўра, бошқа шахсга юборилади.

45. Жисмоний ёки юридик шахснинг илтимосига кўра мурожаатга жавобни унинг мазмунини ўзгартирумасдан тушунтириши, шунингдек йўл қўйилган хатолар ва арифметик хатоларни ўз ташаббусига кўра ёки мурожаат қилувчининг илтимосига кўра, мурожаатга жавобнинг мазмунига дахл қилмаган ҳолда тузатиши шарт.

Мурожаат қилувчининг мурожаатга жавобни тушунтириш ва уни тузатиш тўғрисидаги илтимоси у келиб тушган кундан эътиборан ўн кун ичida кўриб чикилади.

46. Мурожаат, агар унда қўйилган барча масалалар ушбу Қонун талабларига мувофиқ кўриб чикилган ва мурожаат қилувчига тегишли жавоб юборилган тақдирда, кўриб чикилган ҳисобланади.

Мурожаат қилувчига жавоб юборилган кун мурожаатни кўриб чикиш тугалланган кун ҳисобланади, бу ҳақда мурожаатлар билан ишлаш бўйича бўлинма мурожаатларни қайд қилиш журналига ва назорат карточкасига белги қўяди.

47. Юқори давлат органининг назоратида турган мурожаатлар бўйича мурожаат қилувчига юборилган жавоб ҳатининг нусхасини илова қилган ҳолда мурожаатни кўриб чикиш натижалари тўғрисида юқори давлат органига ёзма шаклда хабар беради.

48. Кўриб чикилган мурожаатларни ва улар билан боғлиқ материалларни саклаш мурожаатлар билан ишлаш бўйича бўлинмада белгиланган тартибда амалга оширилади.

6-боб. Мурожаатларни кўрмай қолдириш ва кўриб чикишни тугатиш

49. Кўйидаги мурожаатлар кўриб чикилмайди:

аноним мурожаатлар;

жисмоний ва юридик шахсларнинг вакиллари орқали берилган мурожаатлар, уларнинг ваколатини тасдиқловчи хужжатлар мавжуд бўлмаган тақдирда;

Қонунда белгиланган бошқа талабларга мувофиқ бўлмаган мурожаатлар.

50. Мурожаатни аноним деб эътироф этиш мурожаатлар билан ишлаш бўйича бўлинма ёки мурожаатни кўриб чиқувчи таркибий бўлинма томонидан амалга оширилади.

Мурожаат аноним деб эътироф этилганда, бу ҳақда хulosса тузилади. Хulosада мурожаатни аноним деб эътироф этиш учун асослар кўрсатилади. Мурожаатни аноним деб эътироф этиш тўғрисидаги хulosса мурожаатлар билан ишловчи бўлинма раҳбари ёки қўмита раҳбарияти томонидан тасдиқланади.

Кўмитанинг ишонч телефони, “тезкор алока”га тушган мурожаатлар Қонунда ва ушбу Низомда назарда тутилган тартибда аноним деб эътироф этилиши мумкин.

Аноним деб эътироф этилган мурожаатлар хulosса тасдиқланган пайтдан бошлаб назоратдан ёки ижродан олинади ва кўриб чиқилмайди.

51. Жисмоний шахслар ва юридик шахсларнинг вакиллари орқали берилган мурожаатлар келиб тушганда, мурожаатлар билан ишлаш бўйича бўлинма ёки таркибий бўлинма уларнинг ваколатларини тасдиқлайдиган хужжатлар мавжудлигини текширади.

Агар мурожаатда жисмоний шахс ва юридик шахс вакилининг ваколатларини тасдиқлайдиган хужжатлар мавжуд бўлмаса, бу ҳақда мурожаатлар билан ишлаш бўйича бўлинманинг раҳбари ёки қўмита раҳбарияти томонидан тасдиқланадиган хulosса тузилади.

Жисмоний шахс ва юридик шахс вакилининг ваколатларини тасдиқлайдиган хужжатлар мавжуд эмаслиги тўғрисидаги хulosса тасдиқланган пайтдан бошлаб ушбу мурожаат кўриб чиқилмайди, бу ҳақда мурожаат қилувчи ёзма равишда хабардор килинади.

52. Мурожаат кўрмай қолдирилганда тегишли хulosса тузилади, у қўмита раҳбарияти томонидан тасдиқланади.

Жисмоний ва юридик шахс вакилининг ваколатини тасдиқловчи хужжатлар мавжуд эмаслиги сабабли мурожаатлар кўрмай қолдирилганлиги тўғрисида мурожаат қилувчи тегишли тартибда хабардор килинади.

53. Мурожаатларни кўриб чиқиш кўйидаги холларда тутатилади:

агар такорий мурожаатларда янги важлар ёки янгидан очилган ҳолатлар келтирилмаган бўлса, илгариги мурожаат материалларида эса текширувларнинг тўлаттўқис материаллари мавжуд бўлса ва мурожаат қилувчига белгиланган тартибда жавоблар берилган бўлса;

агар мурожаат қилувчи ўз мурожаатини белгиланган тартибда чақириб олган бўлса ёки уни кўриб чиқишни тутатиш тўғрисида илтимос қилган бўлса;

яшаш жойи, турган жойи (почта манзили), электрон почта манзили ёки бошқа реквизитлари ўзгарганлиги тўғрисида ўз вақтида хабардор қилмаганлиги туфайли чақиришнинг имкони йўқлиги сабабли мурожаатни мурожаат қилувчининг иштирокисиз кўриб чиқиш имконияти бўлмаганди;

мурожаатни мурожаат қилувчининг иштирокисиз кўриб чиқиш имконияти мавжуд эмаслиги сабабли, қўмита томонидан чақирилган мурожаат қилувчи келмай қолган тақдирда;

агар мурожаат қилувчи жисмоний шахс вафот этганидан сўнг мурожаатни кўриб чиқиш ҳуқуқий ворисликка йўл қўймаса.

54. Мурожаатни кўриб чиқиши тугатиш тўғрисидаги карорни қўмита раиси қабул қилади.

Такрорий мурожаатни кўриб чиқиш ушбу Низомнинг 53-банд иккинчи хатбоисига мувофиқ тугатилганда, мурожаат қилувчи такрорий мурожаатнинг асоссизлиги ва ушбу масала юзасидан у билан ёзишмалар тугатилиши тўғрисида ёзма равишда хабардор қилинади. Ёзишмалар олиб бориш тугатилган мурожаат қилувчидан такрорий мурожаат келиб тушган тақдирда, бундай мурожаатни кўриб чиқиш мурожаат қилувчини бу хақда хабардор қилмасдан тугатилади.

Мурожаатни кўриб чиқиш уни чақириб олиш тўғрисидаги ариза бўйича тугатилганда мурожаат мурожаат қилувчига қўмитанинг хати билан бирга уч кун ичида қайтарилади. Мурожаатни чақириб олиш тўғрисидаги ариза конун бузилишларини аниқлаш ва бартараф этиш юзасидан чора-тадбирлар кўрилишини истисно-этмайди.

Мурожаат қилувчи чақирилган жисмоний шахснинг ёки юридик шахс вакилининг келмай қолганлиги сабабли мурожаатни кўриб чиқиши тугатиш тўғрисида тегишли тартибда хабардор қилинади.

7-боб. Жисмоний шахсларни ва юридик шахсларнинг вакилларини қабул қилишни ташкил этиши

55. Қўмитада ва унинг таркибий бўлинмаларида белгиланган кунлар ва соатларда жисмоний шахсларни ва юридик шахсларнинг вакилларини қабул қилиш ташкил этилади.

Қўмита раҳбарияти ёки бу борада ваколат берилган бошқа мансабдор шахслари томонидан жисмоний шахсларнинг ва юридик шахслар вакилларининг сайёр шахсий қабуллари, шунингдек оммавий қабуллар ташкил этилиши мумкин.

56. Қўмитада жисмоний шахсларни ва юридик шахсларнинг вакилларини қабул қилиш белгиланган кун ва соатларда, қабул қилиш жадвалига мувофиқ ўтказилади.

Қабул қилиш жадвали ва уни ўтказиш вакти, жойи ҳамда қабулга олдиндан ёзилиш тўғрисидаги ахборот, қабул қилиш тартиби қўмитанинг расмий веб-сайтида эълон қилиш, шунингдек маъмурий бинода ҳамма кириши мумкин бўлган жойлардаги стендларга ёки бошқа техник воситаларга жойлаштириш орқали манфаатдор шахслар эътиборига етказилади.

57. Қўмитада зарурият бўлганда, жисмоний шахсларни ва юридик шахсларнинг вакилларини қабул қилиш учун алоҳида хона ажратилади.

Шахсий қабул давомида қўмита раҳбариятининг қарорига кўра ва мурожаат этувчига бу хақда хабар берган холда маҳсус техника воситалари (аудио ва видеоёзув, шунингдек фотосуратга олиш) кўлланилиши мумкин.

58. Оғзаки мурожаатлар билан келган жисмоний шахслар ва юридик шахсларнинг вакиллари қўмита раҳбарияти, мурожаатлар билан ишлаш бўйича бўлинманинг раҳбари, шунингдек, қўмита таркибий бўлинмаларининг раҳбарлари ёхуд бошқа масъул ходимлари томонидан қабул қилинади.

Мурожаат қилувчининг шахсини тасдиқлайдиган ҳужжатлар текширилгандан кейин ушбу Низомнинг 2-иловасига мувофиқ шакл бўйича назорат карточкаси тўлдирилади. Назорат карточкаси оғзаки мурожаат сифатида рўйхатга олинади.

59. Жисмоний шахс оғзаки мурожаат этаётганда ўз шахсини тасдиқловчи ҳужжатни, юридик шахснинг вакили эса ўз ваколатларини тасдиқлайдиган ва ўз шахсини тасдиқловчи ҳужжатни кўрсатиши керак, оммавий қабул вақтида келиб тушган мурожаатлар бундан мустасно.

Оғзаки мурожаатлар реал вақт режимида ахборот-коммуникация технологияларидан фойдаланган ҳолда, шу жумладан давлат органларининг ташкилотларнинг ишонч, тезкор алоқа телефонлари орқали ва видео-конференц-алоқа воситасида ҳам берилиши мумкин.

60. Мурожаатлар билан ишлаш бўйича бўлинма кабулига келган жисмоний шахсларни ва юридик шахсларнинг вакилларини қабул қилишни, шунингдек жисмоний шахсларни ва юридик шахсларнинг вакилларини қабул қилиш билан боғлик ишларни ташқил этади.

61. Кўмитада жисмоний шахсларни ва юридик шахсларнинг вакилларини қабул қилиш мурожаатлар билан ишлаш бўйича бўлинма ёки тегишли таркибий бўлинма ходимлари иштирокида амалга оширилади.

62. Жисмоний шахсларни ва юридик шахсларнинг вакилларини қабул қилувчи қўмита раҳбарияти ёки ваколатли шахснинг кўрсатмаси бўйича кўмитанинг бошқа ходимлари ҳам қабул қилиш жараёнига жалб этилиши мумкин.

63. Агар жисмоний шахсларни ва юридик шахсларнинг вакилларини шахсан қабул қилиш пайтида мурожаатда баён қилинган масалаларни ҳал этиш қўмита ваколатига кирмаслиги аниқланган тақдирда, уларга мурожаатда баён қилинган масалаларни ҳал этиш учун қайси органга ёки ташкилотга мурожаат қилиш кераклиги тушунтирилади. Бунда жисмоний шахслар ва юридик шахслар вакилларининг талаби билан бу ҳақда ёзма шаклда жавоб берилади.

64. Жисмоний шахсларнинг ва юридик шахслар вакилларининг сайёр шахсий қабуллари, шунингдек оммавий қабуллар, зарур бўлган ҳолларда, қабул қилиш жадвалларидан ташқари ўтказилиши мумкин. Оммавий қабул ҳовлиларда (квартиralар), бошқа биноларга ва жойларга бирма-бир кириб чиқиш орқали ҳам ўтказилиши мумкин.

65. Жисмоний шахслар ва юридик шахслар вакилларининг сайёр шахсий қабуллар вақтида берган оғзаки мурожаатлари ушбу Низомнинг 58-бандига мувофиқ расмийлаштирилади ва рўйхатга олинади ҳамда белгиланган тартибда кўриб чиқилади.

66. Оммавий қабуллар вақтида қўмита раҳбарияти ёки ваколат берилган бошқа мансабдор шахсга келиб тушган ва жойида ҳал этилган оғзаки мурожаатларга ёзма жавоб ёки электрон шаклдаги жавоб талаб қилинмайди.

8-боб. Жисмоний шахсларни ва юридик шахсларнинг вакилларини видео-конференц-алоқа воситаларида қабул қилишни ташкил этиш

67. Жисмоний ва юридик шахсларнинг вакили қўмита ёхуд унинг мансабдор шахсларига видеоконференцалоқа воситасида мурожаат бериши, олдиндан тасдиқланган маҳсус ахборот-коммуникация технологияларини кўллаган ҳолда видео-конференц-алоқа жадвал орқали амалга оширилади.

68. Бунинг учун мурожаат этувчи видео-конференц-алоқа ўрнатилган тегишли жойга белгиланган тартибдаги талабнома билан мурожаат қиласи. Ариза электрон шаклда берилиши мумкин.

Талабномада қўйидагилар кўрсатилиши керак:

жисмоний шахс учун – мурожаат этувчининг фамилияси (исми, отасининг исми), унинг яшаш жойи тўғрисидаги маълумотлар;

юридик шахснинг тўлиқ номи, унинг жойлашган ери (почта манзили) тўғрисидаги маълумотлар;

электрон почта манзили;

алоқа телефони ва/ёки факснинг рақами;

видео-конференц-алоқа ўтказишга қулай сана ва вақт;
мурожаат тили;
мурожаатнинг қисқача мазмуни.

Мурожаат этувчиңинг вакиллари орқали берилган мурожаатларга уларнинг ваколатларини тасдиқловчи хужжатлар илова қилинади.

69. Видеоконференцалоқа орқали келиб тушган мурожаатлар келиб тушган пайтидан бошлаб бир иш кунидан кечикмай мурожаатлар билан ишлаш бўлинмаси томонидан рўйхатга олиниши ва қўмита раҳбариятига киритилиши керак.

70. Қўмита раҳбарияти талабномани қўриб чиқиб, видео-конференц-алоқа орқали қўриб чиқиши ёки қўриб чиқишини рад этиш ҳақида қарор қабул қиласи.

Қабул қилинган қарор, видео-конференц-алоқа орқали мурожаатни қўриб чиқиши ва жойи ҳақида қўмита жисмоний ва юридик шахсларни белгиланган тартибда огоҳлантиради.

71. Видео-конференц-алоқа орқали мурожаатларни қабул қилиш жадвали ўзгарган тақдирда, мурожаатлар билан ишлаш бўлинмаси жисмоний ва юридик шахсларни олдиндан (электрон почта, алоқа телефон ва/ёки факс рақамлари, почта ва бошқалар) орқали огоҳлантирилиши керак.

72. Видео-конференц-алоқа орқали келиб тушган мурожаатлар оғзаки мурожаат сифатида мазкур Низомда белгиланган тартибда қайд этилади, рўйхатга олинади ва қўриб чиқилади.

9-боб. Жисмоний ва юридик шахсларнинг ҳукуқлари

73. Мурожаатлар қўмита ва ўнинг мансабдор шахслари томонидан қўриб чиқилаётганда жисмоний ва юридик шахслар қўйидаги ҳукуқларга эга:

мурожаатни қўриб чиқишининг бориши тўғрисида ахборот олиш;

важларни шахсан баён этиш ва тушунтиришлар бериш;

мурожаатни текшириш материаллари ва уни қўриб чиқиши натижалари билан танишиш;

қўшимча материаллар тақдим этиш ёки бундай материалларни бошқа органлардан талаб қилиб олиш тўғрисида илтимос қилиш;

адвокат ёрдамидан фойдаланиш;

мурожаатни қўриб чиқиши тугатиш тўғрисида ёхуд мурожаатга жавобни тушунтириш ва (ёки) уни тузатиш тўғрисида илтимос қилиш;

ўз мурожаатини у қўриб чиқилгунинга қадар ва қўриб чиқилаётган пайтда мурожаат бўйича қарор қабул қилингунинга қадар ёзма ёки электрон шаклда ариза бериш йўли билан чақириб олиш;

мурожаатни қабул қилишни ёки қўриб чиқиши конунга хилоф равишида рад этганлик устидан бўйсунув тартибида юқори турувчи органга ёки бевосита судга шикоят қилиш.

Жисмоний ва юридик шахслар қонун хужжатларига мувофиқ бошқа ҳукуқларга ҳам эга бўлиши мумкин.

74. Жисмоний ва юридик шахслар қўмита ва ўнинг мансабдор шахслари томонидан мурожаатларни қўриб чиқишида ўзларининг хатти-харакатлари билан бошқа жисмоний ва

юридик шахсларнинг ҳукукларини, эркинликларини ҳамда қонуний манфаатларини, шунингдек, жамият ва давлат манфаатларини бузмаслиги керак.

10-боб. Мурожаатларни кўриб чиқиша қўмита ва унинг мансабдор шахсларининг ҳукуқ ва эркинликлари

75. Мурожаатларни кўриб чиқиша қўмита ва унинг мансабдор шахслари қўйидаги ҳукукларга эга:

мурожаатни кўриб чиқиш учун зарур бўлган ахборотни белгиланган тартибда сўраш ва олиш;

мурожаат килувчи ёки бошқа шахс йўклигига мурожаатни кўриб чиқиш мумкин бўлмаганда ёхуд мурожаатни эшитиш учун уни чақириш;

била туриб ёлғон маълумотлар кўрсатилган мурожаатни текшириш сабабли етказилган харажатларнинг ўрнини қоплаш тўғрисида судга мурожаат килиш;

қўмита ва унинг мансабдор шахслари қонун хужжатларига мувофиқ бошқа ҳукукларга ҳам эга бўлиши мумкин.

76. Қўмита ва унинг мансабдор шахслари:

мурожаатлар тўғрисидаги қонун хужжатлари талабларига риоя этиши;

мурожаат килувчига унинг ҳукуклари, эркинликлари ва қонуний манфаатларига дахлдор ҳужжатлар, қарорлар ва бошқа материаллар билан танишиб чиқиш имкониятини, агар улар давлатсири ёки қонун билан қўрикланадиган бошқа сир бўлган маълумотларни ўз ичига олмаса, жисмоний ва юридик шахсларнинг ҳукуклари, эркинликлари ва қонуний манфаатларига, жамият ва давлат манфаатларига зарар етказмаса, таъминлаши;

мурожаат этувчига кўриб чиқиш натижалари ҳамда қабул қилинган қарор ҳақида мурожаат кўриб чиқилганидан сўнг ёзма ёхуд электрон шаклда дарҳол хабар қилиши, оммавий қабуллар вактида тушган ва жойида ҳал қилинган оғзаки мурожаатлар бундан мустасно;

мурожаат юзасидан қабул қилинган қарор устидан, агар жисмоний ёки юридик шахс ушбу қарорга рози бўлмаса, шикоят бериш тартибини тушунтириши;

мурожаатни кўриб чиқиш натижаларига кўра қабул қилинган қарорнинг ижросини назорат қилиши;

қонунга хилоф ҳаракатларни (ҳаракатсизликни) бартараф этиш юзасидан дарҳол чора-тадбирлар кўриши, жисмоний ва юридик шахсларнинг ҳукуклари, эркинликлари ва қонуний манфаатлари бузилишини келтириб чиқарувчи сабаблар ва шароитларни ўз ваколатлари доирасида аниқлаши;

жисмоний шахс, унинг вакили, уларнинг оила аъзолари, юридик шахс, унинг вакили ва юридик шахс вакилининг оила аъзолари уларнинг мурожаатлари сабабли таъқиб этилишини белгиланган тартибда бартараф этиши;

агар жисмоний ёки юридик шахсга унинг ҳукуклари, эркинликлари ҳамда қонуний манфаатлари бузилиши натижасида моддий зарар ёки маънавий зиён етказилган бўлса, қонунда белгиланган тартибда моддий зарарнинг ўрнини қоплаш ёки маънавий зиённи компенсация килиш чораларини кўриши шарт.

Қўмита ва унинг мансабдор шахсларининг зиммасида қонун хужжатларига мувофиқ бошқа мажбуриятлар ҳам бўлиши мумкин.

11-боб. Мурожаатлар кўриб чиқилишини мониторинг ва назорат қилиш, умумлаштириш ва таҳлил қилиш

77. Мурожаатлар билан ишлаш бўйича бўлинма таркибий бўлинмалар (куйи бўлинмалар) томонидан мурожаатлар кўриб чиқилишини доимий назорат қиласи ва унинг мониторингини олиб боради, уларнинг ўз вақтида ва зарур тарзда кўриб чиқилишини таъминлаш чора-тадбирларини кўради.

78. Мурожаат у қайси раҳбар ёки ваколат берилган бошқа мансабдор шахс томонидан назоратга олинган бўлса, ўша шахс томонидан назоратдан ва ижродан олинади.

Оралиқ жавоблар берилган ва тўлиқ кўриб чиқилмаган мурожаатлар назоратдан олинмайди.

79. Кўмита ва унинг мансабдор шахслари келиб тушган, кўриб чиқилган, қаноатлантирилган, қаноатлантирилмаган, кўриб чиқилмаган мурожаатларнинг, шунингдек, бошқа маълумотларнинг статистик ҳисботини юритади.

Кўмита жисмоний ёки юридик шахсларнинг хукуqlари, эркинликлари ва қонуний манфаатлари, шунингдек жамият ва давлатнинг манфаатлари бузилишини келтириб чиқарувчи сабабларини аниқлаш ва бартараф этиш мақсадида ҳар чоракда мурожаатларни умумлаштириш ва таҳлил қилишни таъминлади.

Мурожаатларни умумлаштириш ва таҳлил қилиш натижаларига кўра мурожаатлар билан ишлаш бўлинмалар ёки тегишли таркибий бўлинмалар томонидан мурожаатлар билан ишлашнинг умумий кўрсаткичлари, мурожаатларда тез-тез кўтарилиган масалалар, мурожаатларни кўриб чиқиш якунлари бўйича аниқланган асосий камчиликлар ва қоидабузарликлар, жисмоний ва юридик шахсларнинг хукуqlари, эркинликлари ва қонуний манфаатлари, шунингдек, жамият ва давлат манфаатлари бузулишини келтириб чиқарувчи сабабларни бартараф этиш мақсадида кўрилган чоралар акс эттирилган маълумотномалар (шархлар) тузилди ҳамда кўмитада мурожаатларни кўриб чиқишнинг қонунийлигини таъминлаш ва самарадорлигини ошириш, жисмоний ва юридик шахсларнинг, эркинликлари ва қонуний манфаатлари, шунингдек, жамият ва давлат манфаатлари бузилишини келтириб чиқарувчи сабабларни бартараф этиш, қонун хужжатларини такомиллаштириш юзасидан таклифлар киритади.

Мурожаатларни умумийлаштириш ва таҳлил қилиш натижаларига кўра тузилган маълумотномалар (шархлар) кўмитанинг расмий веб-сайтида эълон қилиб борилади.

80. Кўмита ҳар ойда Ўзбекистон Республикаи Президенти девонига мурожаатлар билан ишлаш тўғрисида ҳисбот тақдим этади.

81. Мурожаатларни кўриб чиқиш натижалари Ўзбекистон Республикаси Интерактив давлат хизматлари ягона портала, кўмита расмий веб-сайтида, босма ва электрон оммавий ахборот воситаларида ҳар ой эълон қилиниши мумкин.

82. Мурожаатлар билан ишлаш бўлинмаси тушган мурожаатларни таҳлил қилиш якунлари бўйича кўмитанинг расмий веб-сайтида тегишли статистика маълумотларини ҳар ойда эълон қилиб боради.

12-боб. Якунловчи қоидалар

83. Жисмоний ва юридик шахсларнинг мурожаатларини қабул қилиш ва кўриб чиқишни қонунга хилоф равишда рад этиш, уларни кўриб чиқиш муддатларини узрли сабабларсиз бузиш, ёзма ёхуд электрон шаклда жавоб юбормаслик, жисмоний ва юридик шахсларнинг мурожаатлари тўғрисидаги қонун хужжатларига зид қарор қабул қилиш,

жисмоний ва юридик шахсларнинг бузилган хукуклари тикланишини, мурожаат муносабати билан қабул қилинган қарорнинг бажарилишини таъминламаганлик, жисмоний шахсларнинг шахсий ҳаёти тўғрисидаги ёхуд юридик шахсларнинг фаолияти тўғрисидаги маълумотларни уларнинг розилигисиз ошкор этиш, жисмоний ва юридик шахсни мурожаат қилганлиги муносабати билан ёхуд билдирилган фикри ва мурожаатидаги танқид учун таъқиб қилиш, шунингдек жисмоний ва юридик шахсларнинг мурожаатлари тўғрисидаги қонун хужжатларини бошқача тарзда бузиш қонунга мувофик жавобгарликка сабаб бўлади.

84. Қонун, Намунавий низом ва ушбу Низом талабларига риоя этишни таъминлаш учун жавобгарлик мурожаатлар билан ишлаш бўйича бўлинма ва тегишли таркибий бўлинмалар раҳбарларига юкланди.

85. Жисмоний ёки юридик шахснинг аризаси, шикояти ана шу мурожаатлар бўйича қонунга хилоф қарорлар қабул қилган ва у қаноатлантирилган тақдирда, ариза ёки шикоят бериш ва уни кўриб чиқиш билан боғлиқ заарнинг ўрни, аризани, шикоятни кўриб чиқиш учун қўмитанинг шунингдек улар мансабдор шахсларининг талабига кўра жойларга бориш муносабати билан қилинган харажатларнинг ҳамда ана шу вақт ичida йўқотилган иш ҳақининг ўрни мурожаат этувчига суд тартибида қопланади.

Суд тартибида маънавий зиён ҳам компенсация қилиниши мумкин.

Жисмоний ёки юридик шахснинг аризасини ёхуд шикоятини кўриб чиқиша қонун талаблари бузилганлиги муносабати билан унга етказилган моддий заарнинг ўрнини қоплаш ва маънавий зиённи компенсация қилиш сифатида қўмита томонидан тўланган маблағлар айбдор шахсдан регресс тартибида ундириб олиниши мумкин.

86. Мурожаатлар тўғрисидаги қонун хужжатларини бузганлик, худди шунингдек тухмат ва ҳақоратдан иборат мурожаат берганлик белгиланган тартибида жавобгарликка сабаб бўлади.

НАМУНА

Ўзбекистон Республикаси
Экология ва атроф-мухитни муҳофаза
қилиш давлат қўмитаси марказий
аппаратида жисмоний ва юридик
шахсларнинг мурожаатлари билан ишлаш
тартиби тұғрисида Низомга
2-ИЛОВА

**Ўзбекистон Республикаси Экология ва атроф-мухитни муҳофаза қилиш давлат
қўмитасида жисмоний ва юридик шахсларнинг
мурожаатларини қайд қилиш варақаси**

| | | |
|--|--|--|
| Тартиб рақами: 1 п | Савол: | |
| Мурожаат қилувчи: Кулатов Жонибек Жавлон ўғли | | |
| Манзили: Қашқадарё вилояти, Учтепа тумани, “Ёшлик” кўчаси, 85-йй | | |
| Мурожаат келиб тушган сана: 20.07.2018 йил | Мурожаат қилувчилар сони: 1 та | |
| Мурожаатнинг шакли: Ёзма | Вараклар сони: | |
| Қабул шакли: | Дубликат/такрорий | |
| Мурожаатнинг тури: Ариза | Олдинги мурожаатнинг санаси ва рақами: | |
| Назорат тури: | | |
| Мурожаатнинг қисқача мазмуни: Дарахт кесилиши тұғрисида. | | |
| Резолюцияни (топшириқни) имзолаган раҳбар: Б.Кучкаров | | |
| Раҳбарнинг резолюцияси (топшириғи): Ўрнатилған тартибда ўрганиб чиқилсин ва фуқарога асосланған жавоб берилсин. | Бажариш муддати: 25.07.2018 йил | |
| Таркибий бўлинма: | Ижрочи: | |

| ИЖРОНИНГ НАТИЖАСИ | | |
|---|-------------------------------|---|
| Юборилган сана | Қаерга юборилган | Жавоб хатининг рақами ва санаси |
| 20.07.2018 йил | Ижро интизоми назорати бўлими | 25.07.2018 йилдаги 01-01/01-1111-сонли |
| Муддати узайтирилган: | Ким томонидан: | (имзо) |
| Жавоб хати келган сана: | | |
| Кўриб чиқиш натижаларининг қисқача мазмуни: | | |
| Назоратдан олинди (ким томонидан) | Бажарувчининг имзоси: | |
| Сана: | Бажарилган сана: | |
| Мурожаатни кўриш чиқиб муддати бузилгандаги ҳақидаги белги: | | |

НАМУНА

Ўзбекистон Республикаси
Экология ва атроф-мухитни муҳофаза
қилиш давлат қўмитаси марказий
аппаратида жисмоний ва юридик
шахсларнинг мурожаатлари билан ишлаш
тартиби тўғрисида Низомга
З-ИЛОВА

**Ўзбекистон Республикаси Экология ва атроф-мухитни муҳофаза қилиш давлат
қўмитаси раҳбарияти ва таркибий бўлинма бошлиқларининг жисмоний шахслар ва
юридик шахс вакилларини қабул қилиш
ЖАДВАЛИ**

| № | Ф.И.О. | Лавозими | Қабул куни ва соати | Қабулга масъул ва телефони |
|---|---------------------------------|----------------------------|--|---------------------------------|
| 1 | Кучкаров Бахром Тўлқинович | Раис | Душанба, жума соат 08.00 дан 11.00 гача | Х.Турғунов 207-07-70 (5012#) |
| 2 | Адҳамжанов Айбек Адилжанович | Раис биринчи ўринбосари | Сешанба, пайшанба соат 08.00 дан 11.00 гача | Х.Турғунов 207-07-70 (5012#) |
| 3 | Утаев Укташ Чориевич | Раис ўринбосари | Чоршанба, шанба соат 08.00 дан 11.00 гача | Х.Турғунов 207-07-70 (5012#) |

Қўмита марказий аппарати инспекция, бош бошқарма, бошқарма, бўлим ва шўъба бошлиқлари (ёки ходимлар) ҳар куни 09.00 дан 18.00 га кадар жисмоний шахслар ва юридик шахс вакилларини қабул қиласиди.

Изоҳ: жисмоний ва юридик шахслар қабули учун масъул шахс бошқа ишига ўтган тақдирда унинг ўрнига ушибу лавозимга янгидан тайинланган шахс ёхуд зиммасига тегишили функциялар юкланган шахс киритилади.